

四庫全書

集部

欽定四庫全書

集部

龜巢稿卷四

詳校官監察御史劉湄

中書臣劉源溥覆勘

總校官知縣臣楊懋珩

校對官主事臣陳文樞

謄錄監生臣張元愷

欽定四庫全書

龜巢稿卷四

元 謝應芳 撰

詩

楊縣丞董役開白茅河晝夜勤以詩代簡

畚插如雲穿白渠客來喜得問何如行庖只飲婁江水
俸米頻供擔石儲人起四更燒蠟燭霜飛兩袖坐籃輿
殷勤左轄銀鉶酒為報功成有薦書

劉旭齋過婁江客舍作詩贈之

方欲題詩寄草堂遠勞移棹過滄浪十年同飲三江水
一笑相看兩鬢霜田野無人鴉種麥漕渠通海蟹輸芒
憑君莫語悲秋事且復持杯送夕陽

玉田喪側室作詩悼之余亦次韵以相其哀

目斷琴臺日暮雲相如無復見文君最憐機上迴文巧
更憶燈前教子勤繡筐熊丸香尚在綺牕鸞鏡影初分
江村一月黃梅雨誰為衣篝爇寶薰

五叢涇送玉田徙碧山與龜巢隣居

傾蓋雨兩月同客天一方君今挈家去宅我龜巢傍為
聞碧山好宛在雲水鄉朝紳多寄寓群髦富文章將尋
鷗鷺盟與我同六藏老婦堪夜績東壁分餘光客至亦
可留寬酒過短墻巷無車馬塵屋有汗竹香羸金與床
笏笑視俱亡羊惟存廣文瓊讀書坐蓐牀閉門樂吾樂
疏食猶膏梁清風北窓下懷哉古羲皇

寄錙景儀先生

杏花春雨晴時別蒲柳秋風又颯然笳鼓新城嚴警邏

溪山幽館喜安便
校書還照青藜火
煑茗應斟錫谷泉
近遇故交聞有信
遠勞垂問念無羶
龜巢仍寓黃天蕩
鼃竈今連白水田
自分犁鋤聊卒歲
可堪兵革更飢年
家居食指一百廿
斗米緡錢八九千
瑣瑣旅懷言莫盡
知君憐我似夔蚘

寄顏悅堂長老及崑山諸友薦嚴永懷二方丈
雙徑歸來舊竹邊
林風澗月兩依然
崑山特立烟塵外
婁水東流渤澥連
坐有故人應念我
客無此老共逃禪

南能北秀煩傳語秋晚相過飲菊泉

杜子才掾史攜詩見訪次韻

白首無機心江鷗最憐我復有新相知時來與閒坐一
涼初過雨七月正流火先鞭君已著短鍤我方荷壯君
早騫騰先我常轍軻憐君幸如此數見何不可茆茨湖
上居菱芡水中果後會期碧山合歡呼白隋更邀詩酒
侶共載書畫舸中秋月如畫西溪挾歸柁

玉山顧隱君自嘉興荅詩詢僕近况且云徑山

禪老亦望一見故復用韻自述簡諸故人

數椽茅屋一筇枝萬事無心獨愛詩
詩債隔年償未了帶圍連月孔頻移
吳田積雨生禾耳笠澤西風斷柳絲
眼底故知俱契濶抱琴何處覓鍾期

次韵荅戴德隱見贈

我生無他長耽書竟成癡鬚眉皆雪霜
肝膽如鐵石所賴識前賢頃步不妄適
向來走風塵朝不能慮夕行囊既羞澀
家累且繁劇隨身一破硯百指全仰食
驅馳今

九載未始一日閒豈不懷故園松菊怡我顏長蛇及封
豕出沒咫尺間逢人問親戚野坐荆屨班不見雁足書
徒眎刀頭環遙憐金斗城如望玉門樹憶昔重九時鄉
隣約難黍黃花香可愛白酒味不薄東家復西家相邀
總難却負郭有二頃平居得三樂朋游結詩社時時共
吟嘯溪澗采蘋蘩春秋奉祀禴幾迴乘天風欲跨揚州
鶴那知一顛沛江湖竟漂泊移家碧山下家具少于車
幸君適相逢同念去國賒聚如水上萍散若風中花或

琴教河汾或玄授侯芭交情比投漆子弟亦通家詩筒
頻往來瞬息經兩稔壯君多志氣將衣買臣錦老我忘
功名但就呂公枕三江五湖水共喜魚不澁莫觴了佳
節藜床甘且寢春日方遲遲秋霜俄凜凜好客多釀酒
願作東林沈

寄丁彥誠

旌旗滿眼各西東君覓桃源我轉蓬兵後即知還舊宅
客來曾辱寄詩筒石田種秫梁溪曲茶竈分泉錫谷中

最喜西窓山色好青霞不染俗塵紅

贈沈彥肅典史兼簡王景德

空山寒雲白如雪歲晚高軒過巖穴三生石上拂蒼苔
一笑梅邊有明月牀頭釀得松花酒思與故人傾瓦缶
煩君為問王子猷剡舟肯棹同來不

旭齋歌次鐵笛先生韻

旭先生行年七十餘耽書樂且孺白駒過隙莫可留欲
把長繩繫烏兔囊無一錢任羞澀腹有羣經飽撐拄論

交貴在見肝胆不學時人口相煦有時醉吟詩其巧猶
瓦注快若爬背癢十爪倩仙姬昔賢只讀圯上編便遇
君王借前箸先生豈無策可用草廬未有人三顧青山
白雲古畫圖筆牀茶竈今家具居吳十年食破硯硯田
幸喜無租稅秋風籬落桑葉隕枯蔓蕭條繫寒瓠西伯
何當獵渭濱載取非熊後車去

次韵寄題鄒朋壽草堂并簡劉旭齋

賓主東南美溪山繞屋廬經鉏百戰後版築十年餘木

落西風急窻鳴夜雨疎
僦僦二三子燈火案頭書

荅楊獻可見贈

憶爾梁鴻山下宅園池不減李文饒
一朝猛雨鶯花去十載東風燕麥搖
客裏相逢聊慰藉樽前一笑共歌謠
君歸不負青山約好似淮南早見招

簡吳江朱志道昆季

去年長至聽塤篪轉眼今年又此時
棣鄂喜存兵後樹梅花早綻雪前枝
西山近日無烽火東閣何人共酒卮

兒輩北歸今問訊吳音變楚莫相疑

盛彥英隱居太湖之陰號具區耕叟命僕作詩
以歌詠其樂去

脫屣東華塵躬耕太湖濱桑麻接隣里魚鳥情相親閒
時讀書牛背上安知六國方攻秦東風二月桃花雨布
穀飛來向人語一犁初破隴頭春黃犢出闌健如虎羲
農世遠莫可追南山石爛無足悲悲歌笑窳戚夜半猶
未已人間閒是非何用污牛耳我田已耕春晝閑樵童

隨我看青山日暮歸來一壺酒我歌嗚嗚童拍手童拍手
兒飯牛一天星月爛不收重捻鐵笛作三弄七十二
峯俱點頭

冬至

九年至日悲流落一笑今朝醉醞醅兒子歸來十里外
老妻歡喜兩眉開密雲藏去黃棉襖輕雪飛來緹室灰
遙念故園歸未得竹籬為我護寒梅

臘月

臘月無多日行年六十三浮生空自老往事日多慙南
國山皆赭東郊草未藍蕭條江郭外雲暝雪毵毵

懷野舟閩長老兼簡真本元

大地北風寒且嚴香凝丈室晝垂簾庭前栢樹心相契
牕下梅花手可拈出郭鐘聲聞數里穿城塔影見重尖
欲求智永千文帖煩說區區寄口占

古鼎歌并序

中吳萬壽寺舊藏古銅鼎其款識有云王在周康

穆宮冊錫寰用作皇考鄭伯姬尊鼎大德中任陽
謝氏嘗欲以重寶易之時住持點翁師不從後謝
氏為構佛殿點遂以鼎答之至正丙申謝遭兵鼎
因失去甲辰夏四月愚隱智公乃得於軍人之手
者舊聚觀皆曰我山中舊物也既而出鼎見示且
徵予詩以紀之

碧雲師着金伽黎空王殿前龍象隨一夫長跪送古鼎
狀若獻寶波斯兒羣緇來觀集丈室中有老僧前致詞

云是山中舊時物立誦款識能無遺惟有臣蒙紀君賜
用顯厥考鄭伯姬文詞詰屈錯盤詰字體隱伏蟠蛟螭
蒼姬紀錄世屢改不知何代來於斯謝家寶樹易趙璧
巨構賈與秦城齊鼎兮鼎兮什襲去歲踰數紀今來歸
師聞此語重歎息兵火連年炎九域金鐘大鏞棄路旁
總若泥沙銷折戟珠還合浦獨無恙護持信有天龍力
摩挲兩鉉濕煙霧錯落丹砂映金碧濁水摩尼五色兼
出海珊瑚高一尺嗚呼羲軒之鼎莫可求禹鼎亦已淪

東周世所用者非爾儔或彭豕腹徒飽羞調羹爾無與
覆餗爾不憂歸來兮歸來北山兮菟裘汾陰自有為時
出切莫放光驚斗牛

歲除前一日寓姑蘇與友人卞于珍守歲

姑蘇城外小湖邊寂寞僧房借榻眠詩稿寫成丁卯集
歷頭檢盡甲辰年中原喋血人爭地南國啼飢水拍天
起坐夜深如守歲屋山風雪灑寒氊

偕徐伯樞訪王孟翼酌酒論詩經宿而別

舊雨客來今復來
溪堂新築柳新栽
風生玉麈談詩律
露濕金盤把酒杯
淮甸三邊烽火熄
吳山千里畫圖開
相如來奏凌雲賦
當路疇能薦逸才

劍池送曹廣文赴學士院檢討

峩峩虎邱山
湛湛劍池水
水深人莫測
草生寒不萎
世傳祖龍劍
斫斷蒼雲根
千古兩絕壁
鐵花點苔痕
僧厨轉轆轤
陰崖落冰雪
臨池人有語
響答出林樾
先生屢幽賞
盥沐彈鳴琴
木石俱點頭
魚龍亦知音
今居白玉

堂還念青山約羣仙與重遊增輝舊巖穴

雨中懷徐草堂兼述杜掾史求詩之意

亂紅飛盡綠陰稠風雨涼生四月秋且喜三邊清似水
何妨一室小如舟歐虞墨帖時臨寫吳越青山總卧遊
肯為杜陵題老桂難兄應作置書郵

和浦玉田清明日郊行

湖上新堤踏軟沙少年人面映桃花花村風物渾如舊
獨欠青帘賣酒家

二

柳絲裊裊拂蒼波
花雨斑斑點綠莎
寒食清明春又晚
人生不樂復如何

三

笠澤西頭王墓村
桃花水沒竹籬根
年年春到清明日
兒女郊行柳挿門

四

一幅春雲巧似裁
隔湖飛過碧山來
野橋小立題詩處

夾竹桃花爛熳開

五

四望青山眼欲花
山光都是薄雲遮
杖藜徐步歸來晚
月上東窓恰到家

六

每惜春光去後思
春來行樂復何辭
放舟莫近吳門去
諸將樓船正出師

壽徐伯樞

碧山湖邊銀杏樹數百人家星散住中有南州高士孫
借屋讀書深閉門豈無香醪甜似蜜好客相過方與喫
朝來爛醉呼不醒蓬矢桑弧挂虛壁皇天有意生男兒
錦繡五藏瑤瑰詞亂紅飛去綠陰靜菖蒲花發當何時

贈葛天民

吾聞清孝公為君八世祖可憐遭亂離麻鞋走塵土牀
頭無金何處索堂上雙親頭欲白五星躔度書一編江
湖乃作談天客吾嘗閱其書心目俱茫然星辰之高四

萬八千里三百六十五度分周天人生兩間應列宿探
索豈易窮幽玄君今自喜得其妙回視筌蹄成一笑萬
象森羅方寸中千尺碧潭寒月照高談往往驚倒人黃
金捆載歸養親鱸魚斫膾羨紫莼褊褊五色斑衣新人
家生兒孝養有如此何必鐘鳴鼎食重華茵扁舟過我
三江口留宿龜巢看星斗欖櫓熒惑總莫論且道酒星
無恙否酒星苟無恙酒禁必早開娛爾白髮親酌彼黃
金壘我生不願萬戶侯亦不願識韓荊州但願太平無

事百不憂吾兒賣文君賣術得錢可以沽新筍命吳謳
若翁與我日日眠糟邱

崔宗明掾史請告之錢塘省母將徙居來吳時
太尉丞相張公在分省嘉宗明之行贈錢數十
緡故詩及之

丞相知君念母情金刀錯落贖君行衣冠祖帳三江口
帷幔歸舟幾日程烏鵲知人先喜信鱸魚入饌試當烹
高堂若問吳門事王國金湯第一城

和浦玉田咏物

嗟爾五月菊黃花發何早平生傲霜枝乃雜半夏草趨
炎真強顏久雨竟垂老榴裙炫人眼坤裳為誰好忍負
陶淵明秋風舊懷抱

二

嗟爾六白蟾爬沙出何遲天生一腹鱗且有二足奇乖
時人共棄保身自污池昨午遭磔死同類多可悲月宮
老蟄精居高知不知

寄鮑仲孚提舉

風雨蕭蕭五月涼
堦前書帶草應長
心傳千古文章印
名重諸公翰墨場
官舍看山閒挂笏
齋居掃地靜焚香
野夫別後遙相憶
一榻青苔兩鬢霜

寄陳子章申屠仲權

聽雨聽風半月餘
高齋吟嘯興何如
雨添泮水芹芽長
風撼惟林杏子踈
毛穎功名應立傳
杜康交絕豈無書
陽春白雪詞皆妙
好寄龜巢慰索居

賀陳子經赴學士院著作

白玉為堂置此身詩書端不負人人生花綵筆絲綸美
柳絮宮袍雨露新日過八磚趨禁署天開一國用儒紳
吳松江上漁樵客也為謳歌寂寞濱

寄因本初講主

愛爾吳江水西寺門前流水碧于苔松花布地金無數
蕉葉繡經紙萬枚講席每留詩客坐浴堂曾為國王開
別來雨洗秋容淨涼入袈裟亦快哉

寄謝楚芳

鄉城一別十五年別時玄髮今皤然無聲詩與有聲畫
彼此贏得虛名傳君家有子為時出且喜讀書無讀律
絕勝吾兒但筆耕三徑蓬蒿塵滿室老夫宿如龜六藏
思君見之羨與墻移家同飲太湖水尚期東壁分餘光

代簡崔宗明掾史

孤坐馳遐想羨墻見若人宮墻今畫省家世舊朱輪南
國梅花早北堂萱草春慈顏應有喜過客總儒紳

二

落葉擁柴扉吾兒日暮歸手持毛義檄身著老萊衣客
路風塵久青雲故舊稀何當報一飯不遣此心違

壽徐主簿

昔君濯濯如春柳鞍馬日隨丞相後翩然提劍掃蠻煙
欲取黃金印如斗一鞭徑渡浙河東東南滿眼旌旗紅
手援赤子出塗炭慈溪草木生華風長嘯歸旌行復止
濯髮淞江太湖水鱸魚莼菜非不佳總憶家山舊桃李

君今草堂宅東郊有田可耕山可樵堂上慈親足甘旨
相知與結桑麻交金門玉堂紫薇省無復回頭看畫餅
但愛鶯溪秋水清雪色蘆花一千頃豪吟往往似謫仙
但不持盃醉花前盃中之物時有禁煮茶都費惠山泉
龜巢老翁不浪出遠來為君作生日草堂此日題此句
風竹四檐吹簾篔

申仲義錄事自杭州來議論慷慨風節可喜作
此以贈

客來試問錢塘事冠蓋都非舊日人尚喜西湖堪種柳
不知東海欲揚塵手題王粲登樓賦頭戴陶潛漉酒巾
如此江山如此客政須傾倒洞庭春

和沈啟之立春作

何物淮夷學井蛙東風依舊滿天涯春盤薦酒盃頻舉
醉筆題詩字半斜無數故人俱契濶一雙老眼近昏花
家貧賴有長鑿在坐待青山長蕨芽

徐伯樞仲剛來云鄉僧

調

刺血寫華嚴成

好事者為之盛集緇素送經至吳門無量
壽庵時有人以兜羅綿化佛手觀者異之
贈言盈軸徐伯仲徵余詩不已故隳括佛
氏作此貽之

吾聞兩足尊化身千百億諸相即非相非空亦非色云
何兜羅綿變現佛手出華嚴海無量本無塵可拭隻手
挽頽波正賴佛之力譬如水中月在處照澄碧若以色
見之癡雲暗如漆由來標月指具眼當自識

暮春陪周明府過顧將軍祠下碑

黃天蕩上將軍樹樹下數家人姓顧行人遙指若堂封
往事猶論麾扇渡新祠畫藻煙霧濕古木垂羅鬼神護
長洲縣令在高蓋短褐巢翁曳雙履海棠正落胭脂雪
山餅為醑金盤露柱頭老鶴作人語道旁馴雉隨車駐
吳趨一曲歌未了蜀魄數聲春又暮金戈鐵馬尚酣戰
白羽清風復誰睹看碑莫怪客如雲彼君子兮真可慕

端午日徐伯邛過寓所以詩見示次韻

南湖風浪惡客至喜且驚連日雨不止明朝陰又生划
船海中歸戰鼓江上鳴端陽一盃酒忍聽歌霖零

簡徐伯印

淮海十年猶亂離清江一曲自棲遲門前纔送催租吏
籬下還吟採菊詩世事紛紜何日已襟懷瀟灑少人知
卜隣欲近蘆花渚我亦扁舟理釣絲

寄徑山及以中長老

重攬凌霄絕頂秋歸來笠澤繫孤舟青山何處無黃犢

滄海相知有白鷗六合雲開天蕩蕩百川風靜水悠悠
試聽漁父滄浪曲江上蘆花亦點頭

壽慶治中

日下歸來年復年之官未上浙東船人憐垂老身長健
自喜居閒志益堅好客每呼隣舍酒教兒不惜買書錢
試看尚父鷹揚日渭水秋風雪滿顛

次韵寄題碧雲禪老上海縣山居

青松種來過屋長松濤六月生秋涼香凝笏室靜如水

道人觸法俱相忘

二

住庵人似南泉老
無數青山在屋頭
眠鹿塔前金布地
西風吹老桂花秋

三

門前問話人
立雪想象吾家游
與揚靈禽盡得響
晉天樂
老鴈獨憐隨稻梁

四

海上諸峯絕點埃
浦泉流水碧于苔
何當借與梅花屋
我亦移家歲晚來

又和律詩

笠澤東連海好山
青更多遠分苔脯
供魚寄草菴歌柱
錫僧方去攜琴客
又過送迎門不出
奈爾懶融何

寄沈德齋

入城每問東林老
避地今居巢海頭
秋半即嘗菰米飯
冬初已著木綿裘
青衣擣藥隣鮫室
烏几燒香對蜃樓

我欲移家相近住，釣竿煩為覓滄洲。

為源長老贈醫士單子達

老我無他伎，憐君正妙年。父書能盡讀，醫術得親傳。
舊隱荆溪上，今居笠澤邊。幽蘭紉古佩，采藥洗春泉。
鶴守燒丹室，鷗隨載酒船。每聞驅二豎，近喜活枯禪。
優鉢微含笑，頻伽喜欲顛。却還青玉案，持去白雲篇。
高誼能如此，明時豈舍旃。政須醫國手，為我救顛連。

普大雲講主以紈扇畫蘭見惠作詩謝之時雲

在吳江普度院講法華經學徒甚衆

上人遺我白團扇扇上復為蘭傳神足知清興迥絕俗
更覺幽馨時襲人猊座講經雙樹下龜巢織屨五湖濱
明朝相約看山去不怕西風揚遠塵

寄朱原道昆季

太湖三萬六千頃流血水腥江海連幾處焚舟成赤壁
有時飛礮落青天雞蟲得失那能問鴻雁飛鳴亦可憐
若箇桃源堪共住也須容我釣魚船

臘月三日偕俞寬仲過篠涇僧舍蒙舉似近日

詩次韻一首

故國溪山各遠離倚樓長笛為誰吹相逢上海三生石
共惜邊風兩鬢絲客舍暫如桑下宿世途危甚劍頭炊
明朝裹茗西菴去更約匡衡細說詩

勁節亭詩為中半雲講主賦

我本山林人此君與群居頻年避戎馬出走荆棘途雙
溪適相遇歲晚冰雪餘蒼顏固云老清氣方凜如儼然

古君子節勁心仍虛紛紛桃李花榮悴纔斯須長松鬢
似戟亦作秦大夫我思首陽山竹君兩遺孤高風激頰
懦氣節與君俱之人不復見見君如友于此意知者誰
居停老浮屠綠琴為我彈碧酒為我沽萬事付一笑嗒
然我忘吾

懷徐伯樞諸友

憶昨方卧病妻子呼避兵扶持上輕舟烽火照夜明閭
兵今遠近言圍闔閭城賴有風滿帆送我東南征三宿

坐不寐鶴鳴近華亭晚泊青龍江蘆葍匝地青新知道
相遇留我居篠徑土風頗淳朴地僻雞犬寧吾病日已
瘳客來能送迎老叟心自憐或謂詩骨清比鄰兩三家
情親若平生園蔬日持送酒壺時共傾對酒不能樂艱
虞未忘情懷哉數君子雨打水上萍漂搖各何許吾將
尋舊盟賣刀買黃犢子孫共春畊奈何西枝西礪石猶
雷鳴

偕俞寬仲遊普光寺俞作詩紀行余和一首

繞屋踈筠玉有光
沿堦細草翠生香
林藏鹿苑雙溪曲
路轉龍江十里強
蕉葉繙經人自樂
槐根做夢蟻何忙
白衣二老來聽法
甘露醍醐得試嘗

臘月廿日會林才元于普光方丈

詞氣崢嶸吐玉虹
山林興與老夫同
獨憐幽草來西澗
共聽枯桑叫北風
四海十年兵火後
雙溪一笑夕陽中
評詩為掉樓卿舌
殊勝儀秦諂七雄

送和彥良兼簡朱端卿

移家喜得好林泉
甫里先生古宅邊
憂世頗添新白髮
校書還坐舊青氊
秋風茅屋都無恙
臘月梅花正可憐
我有古人多古意
斷琴煩為續朱絃

贈張孟文

青龍江水清如玉
青龍故家書滿屋
中有郇公九葉孫
一目五行能盡讀
科名未欲拾地芥
燈火長如校天祿
有時述作繼風雅
三國六朝車並轂
手揮赤血拔鯨牙
琴斷玄文裂蛇腹
雙溪近傳寒食句
又出唐人一機軸

相逢說項人益多宛見清標立霜竹吾生愛詩入骨髓
老去窮吟鬢如鷓金張許史懶折腰沈謝曹劉長在目
江頭偶泊避風船故山將歸采黃獨金盤不必贈檳榔
願覓奚奴珠一斛

次韻贈本蘭上人

庭前手植娑羅樹樹下頻繙竺國書失鹿不知秦二世
葬魚那問楚三閭園收柿葉皆新紙林養松花當宿儲
十里雙溪春水綠浮杯待復訪樵漁

余患癱疽適兵後無醫藥可療即事口占并寓
感歎

吃癱人在五侯家市肆都無藥可賒童子歸來風雪夜
老夫愁絕對梅花

次韵徐伯樞見寄

病卧北山久愁添白髮新一冬無雨雪四海尚風塵妻
子移家遠親朋折簡頻梅花應笑我出語欲驚人

二

客夜牛衣薄，王春鳳歷新。東南蝸角地，多少馬蹄塵。擊
鼓依然急，壺觴莫厭頻。君看塞翁馬，得失豈由人。

奉贈薛宗師及于薛二真人

論道清寧日，承恩紫極天。星言辭輦轂，雲卧樂林泉。虎
衛燒丹室，龍畊種玉田。居山閭宰相，行地活神仙。清問
時猶及，玄談世共傳。春秋今近百，弟子動成千。入室稱
于薛，承歡度歲年。蓬萊方丈外，磧隩澱湖邊。別墅三花
盛，深居萬竹連。玉桃紅綻雨，瑤草碧生煙。麟脯供仙饌，

鸚杯舞醉筵雲璫齊上下霞袂各褊褊福地風塵遠壺
天日月懸目光方炯炯眉壽正綿綿老我頭垂白尋師
志在玄飄零隨草芥佩服集蘭荃欲進北橋履重來笠
澤船山靈原有約石髓未應堅析理秋毫末研幾太極
先泰珠當一照光彩徹天淵

早春訪蔡君立家以詩見贈次韵荅之

老夫藜杖病初起幽谷蘭花喜正開持酒對花留信宿
賦詩題竹約重來一犁新水初春雨百蟄皆驚半夜雷

嗟我無錢堪買犢歸畊心亦冷如灰

正月廿三日過許君善竹所留六日日蒙置醴
且出諸畫卷命留題焉

茅屋秋風杜陵老桃花春水許家墩連宵共剪西窓燭
每日頻開北海尊童稚問鷹知揖讓鄉鄰見客問寒溫
遲留不厭逢多雨喜得題詩萬竹軒

余過橫塘訪趙朋南先生值回錦溪遂留許微
士家雨牕因覽元夕之作次韻代簡

行路難行久不禁尋君欲吐別來心十年飯顆詩容瘦
一病文園渴思深鹿浦繫船逢積雨客憲挂笏見遙岑
誰能縮地仙人術共聽花枝快活吟

安素齋詩為高彥舉作

羲皇世云遠淳風浸彫零紛紛慕浮華形役心靡寧惟
爾為觀者於物澹忘情天君常泰然月白霜潭清美玉
非不沾沾之價連城向來莘野農釋耒即阿衡磻溪釣
魚叟飛揚乃如鷹湯文苟無遇耕釣畢此生懷哉古之

人安素斯足稱

溪西小隱詩為許君善作

馬鞍山南三十里鹿虞浦接橫塘水
桃花兩岸小橋西
蘿屋數椽修竹裏先生頭戴烏角巾
青鞋不踏東華塵
扁舟溪上釣明月長鏡隴頭鋤白雲
客來看竹呼隣酒
客去對山開北牖
琴彈古調每橫膝
筆寫新詩長在手
自言得句如得官
富貴却作浮雲看
青山有約如不爽
白鷗之盟奚可寒
箕山久矣人寂寞
眼底誰能如此樂

文章多樂鸚鵡洲衣冠俱上麒麟閣老夫幽懷欲與論
移家今近西枝村風清月白憶玄度莫怪杖藜來叩門

題孫彥學所藏江貫道清江汎月圖

吾聞老郭之傳許與江山水絕筆稱無雙此圖夜景江
所作彷彿秋聲動林壑長江澄澄月在水遠山蒼蒼樹
如蟻如此江山夜放舟若人真是逍遙遊爾來一百四
十載陵谷變遷畫圖在世無蘇李兩詩仙赤壁采石俱
蕭然老夫此興固不少解表亦足沾清醪出門有礙行

且休不如燒香看畫海上頭

雪山圖

憶昔山居擁寒雪夜半讀書聲未歇長林月在挂猿枝
幽谷風生藏虎穴十年奔走避兵塵手持一竿滄海濱
適因看畫長太息青山頭上亦如人

普講主寓普度蘭若十一月望為游軍檢括是
夕以橐稽蒙首露坐陸氏莊埃燼中怡然賦
詩余嘉其言無瞋恚和而美之

道人心如如說法無定處無喜亦無嗔亦無諸恐怖初
聞戎馬來杖錫出普度羣氓棄家走子女多失怙或遭
刀箭傷或受係累去或作蚕聲哭或為折腰步裸跣走
且僵煙塵晝如暮師時在中野亦值一強禦猛若歌利
王殺佛渾不顧手持霜雪刃聲發雷霆怒惡狀冠羣醜
丹青筆難措脫我僧伽黎問我石頭路搜索祇園金檢
括青州布區區身外物自謂無足護把茅聊蓋頭露宿
吟古句干戈雖未息江山喜如故相期看餘春牡丹花

貴富

和趙朋春詞

落梅風急綺疏寒
檐鐵鏘如響
八鸞堪笑嬌癡兒
女子折花騎竹繞長干

二

多謝提壺不住鳴
杏花枝上月三更
銀罌卸盡葡萄綠
祇為傷春醉不成

三

小閣鈎簾待月時
燭花頻剪夜何其
惜春不奈春宵短
翻憶秋宵玉漏遲

四

花拂盆池入鏡光
柳搖臺榭弄鶯鶯
黃晚來頗覺東風惡
分付薰籠蕪暖香

遊南山和徐伯印韻

諸君南山遊
豪吟氣憑陵
惜無龜巢老
拄杖移赤藤
俛觀陳湖水
一槃秋露澄
吾兒躡吾屐
樂與君共登
坐草

藉苔茵尊酒空十朋垂楊細腰舞不費纏頭綾羨君方
妙年文章有師承譬彼學佛者當為大乘僧滂沱夜來
雨紅日喜初升楊花飛渡江茫然白雲騰晨看有聲畫
妙若曹不興茲山賴有傳詩名與俱稱

和臨寒食有感

何處登臨散客愁千墩浦上聽漁謳清明落盡梨花雪
能得春風幾日遊

二

憶得少年寒食日
落花塵上馬蹄香
六龍城郭春如畫
那得旌旗帶雨揚

三

烈塘墳上樹如雲
一掃東風十五春
不信令威歸不得
竟移華表屬他人

四

一徑落花春晝靜
四隣嘉樹綠陰繁
兒曹忘却懷鄉意
浪說春風似故園

五

白髮蕭蕭客未歸
淒風緊雨禁煙時
青苔白骨尋常事
堪笑田文為客悲

遷居

逃難居頻徙
幽懷孰與論
崑山一舍地
湓浦數家村
老去仍為客
朝來又抱孫
雨餘春韭綠
生意滿東園

聞玉山顧隱君以賦役入城負疾而歸而山中
花竹多為有區區懷思寄詩代簡

聞道龐公也入城還家風雨近清明催租人去詩仍好
市藥童歸病已輕尚喜竹林青笋出不嫌花徑紫苔生
野夫得此平安信尋訪姑遲數日程

哭杜玉泉處士

每憶城南杜今為地下郎好詩留巨帙遺像在高堂濯
濯孫枝秀離離宰木長可憐桑與梓春雨竟淒涼

二

東郭溪山勝南園花竹深平生多樂事之死遂問心挂

我客中劍撫君牀上琴迴風吹柳雪和淚落衣襟

四月二日林自瑤城歸寫遷屋詩四首因以述

懷并紀時事

鶴長鳧短世難齊滿眼風塵客路迷
竈突未黔居未徙
兒曹况在兩湖西

二

六幅蒲帆帶雨來
瑤城艇子過湖來
老妻正倚門前樹
雪色楊花覆綠苔

三

儻得山居鑿井新客來不厭煮茶頻屋頭鷓地顛風起
狼藉桃花滿樹春

四

鬢絲垂領白襟襟老我身如作繭蚕午夢忽驚飛礮響
狼煙只在澱湖南

余往哭杜處士過淞江問途乃知其弟玉溪亦
殂去兩月追懷宿昔作詩悼之

往歲留三宿今晨哭二難榻懸無復下琴斷為誰彈溪
竹春雲散庭花夜月寒悲乎浮世事長夜雨漫漫

荅徐伯樞見寄

十載風塵走朔南白頭如雪面如藍借車載具家頻徙
應俗為文筆大慙茅屋雨添苔上壁竹籬煙護筍抽簪
別來行路難行甚何夕挑燈與細談

二

杜宇催歸不絕聲知君歸計正留情東膠茶焙春煙暖

西堠花村夕照明音信尚煩黃耳寄交情不負白鷗盟
明年築室相隣住兒輩求田與力耕

邀管伯齡許君善鄧宜之端午小集

十年端午常為客一笑今朝有故人江草碧搖書帶淨
石榴紅摺舞裙新潮生小港通船路風掃幽軒振席塵
酒禁未聞罌爵恥茶鐺爛煮兩旗春

邀月田上人

借得溪鷗半席沙相期來喫趙州茶渡江賸有蘆堪折

日落潮回即到家

次韵答許君善見貽

憶昔平居頻會友家有林田今釀酒安知今日對端陽
無酒可澆談笑口客來置茶聊解羞強將車轄井中投
清風綠樹北窓起時聽一聲黃粟留西山雲起日將暮
斯須雨暗橫塘路銀燈纔點即生花為我喜君青眼顧
我心如醉顏如酩憂時未寧今老何明年此日復此會
此時還遣玲瓏歌

即事

黃梅落盡雨初晴
客舍青苔四壁生
鐵礮打城聲動地
老妻猶訝是雷鳴

代簡大雲講主

天竺之書五千卷
吾師以之全藏轉
早年手握摩尼珠
飄然擲錫遊天衢
歸來濯足太湖水
從此一龕兀坐如
枯株
有時忽作獅子吼
狐狸野牛顛倒走
有時閒寫山水
華華光之梅作清友
近聞有約過貧家
貧家掃門迎

象車欲知老夫何物作清供
湓陰小圃自種崑崙瓜

朱公路縣丞和徐伯印詩見示不為險韵窘束
余甚喜之故復和一首以寫起敬之意

瓜廬淞水西溪山勝東陵玉立開
徑竹纓垂刺檐藤善養
氣不餒靜觀心澄澄白雪少人和
青山與誰登稽古蓄萬
卷問竒來遠朋顧余犢鼻布不識
馬眼綾來詩清可喜玉
露仙人掌想當締思時寂如禪定
僧詩成掃巨筆墨汁飲
數升干戈有時休雅頌當復興願
同杜拾遺一代詩史稱

壽張實甫

我愛龐德公躬耕亂離日以安遺子孫此計真第一君
今牀頭金有餘傳家之計乃亦如况入東林遠公社每
誦西竺空王書幽棲久矣機心息鷗鷺相知俱莫逆獨
憐丹穴一鵝雛偶爾西飛歸未得願言晚節金石堅河
清復見昇平年明年此日壽觴舉三鳳聯翩郎罷前

寄贈勝無能上人

雙林舊宅今蘭若百丈清規老作家燈燃佛龕無晝夜

榻留禪衲共煙霞屋頭青覆娑羅樹池上紅開菡萏花
六月香風清似水老夫曾此坐鷗沙

丁未夏六月寓真覺庵數日日賦小詩以寫目
前之景適大雲師遺雙清圖足成十首

祇樹園林舊雨荒僧廬今喜近滄浪我來一榻南牕下
分得溪風午夜涼

二

臨溪照見影稜稜老我頭童狀若僧堪笑讀書心未死

夜來猶對佛前燈

三

燭龍銜日出東溟飛到天中落火星莫怪懶融門不出
一林翠竹風泠泠

四

荷盃飲露比名酒松塵生風無俗談日落清蟬吟未了
雨來白蟻戰方酣

五

高堂無塵清晝遲山僧持鉢未歸時
白衣仙人坐相對
淨瓶楊柳青垂垂

六

客來自汲煮茶泉
甕足浮屠亦可憐
借我石牀箕踞坐
有時閒說趙州禪

七

襖鞋布襪苧衣輕
好客何妨日送迎
試聽礮車飛霹靂
將軍觸熱正鏖兵

八

雙林一室捲微疴
列坐羣緇問若何
不用散花天女輩
儼然無語老維摩

九

芭蕉葉上遍題詩
更覓吳牋寫竹枝
過客莫嫌人寂寞
鬢絲禪榻正相宜

十

生愛梅花與水仙
故人摹寫寄林泉
披圖淨寫燒香几

何異長齋繡佛前

普講主過千墩偕余訪許溪西出普公曩歲所
作水仙花求題普為重記歲月俾余題其左云
梅兄磬弟總不見邂逅獨睹凌波仙雲翁指點笑相語
為我傳神三十年

簡蔡君立從事

齷齪布衣老生無晉人風杖藜相訪不相見興盡適與
王猷同出門喜清飈天氣涼蕭蕭重雲忽迸日六合如

洪宓東屯行行且止賣藥人家杏林裏蜚廉意若迎
我歸南薰轉從西北起快哉一披襟長詠出舞雩老夫
此興君必知黃金不用鑄鍾期歸去來兮溢水西

與諸友論詩次朋南韵

每見古人詩不俗恨不移家與連屋人生有詩可傳世
萬事無成心亦足嗟哉風雅絕遺音斷絃未有麟膠續
三經三緯機軸在文士疇非賴私淑屈原吐詞蘭蕙香
能襲餘馨惟宋玉兩京豪華六朝靡聲律由唐轉覆束

草堂先生獨冠佩進退委蛇氣容肅孔明廟柏一品題
儼然菴竹生淇澳要之煉詩如煉丹九轉成功龍虎伏
秋高當約許玄度妙法參諸老尊宿

次韵荅朋南重九之約

重陽無酒不須賒看菊柴桑處士家只恐滿城風雨到
客憲岑寂對檐花

贈筆生王伯純

時方用武我業儒王生賣筆來吾廬生成世業雪溪上

製筆特與常人殊宣城阻兵十三載猶喜山中老孰在
拔來秋穎帶微霜縛得銛鉏含五彩昔年草制供玉堂
玉堂仙人雲錦裳三縑一字不易得筆價亦與時俱昂
莫恠年來棄如土掃滌風塵必折斧生今賣筆我賣文
何異適越資章甫呼兒亟用買一束為我寫成懷古錄
吾兒作字三歎賞八法以之隨意足我有好音生可知
用筆將見文明時柳公筆諫佐明主老我筆畊箋古詩
逝將重作毛穎傳為紀頻年遭薄賤牽連為生書姓名

守棘不隨陵谷變，中秋適逢秋禁開。
椰瓢酌生新醖醅，酒酣仰視月中免。
長笑一聲歸去來。

盧志道馬公振以滿城風雨近重陽為詩首句
各賦二絕同日見寄要余和之

滿城風雨近重陽，一望蘇臺百感傷。
臺下伏屍多濺血，秋花不似舊年黃。

二

滿城風雨近重陽，門巷蕭條草木黃。
茅屋破來天更漏。

誰能補石繼媧皇

三

滿城風雨近重陽
籬菊花開酒未嘗
四海兵戈無了日
十年書劍客他鄉

四

滿城風雨近重陽
猶喜觀山目力長
風雨晴時山更好
也須攜酒挂車傍

兩年九日晴景不同
口占二詩聊述梗槩

去年重九日烽火接三州黃菊無心看青山滿眼愁風
霜新鶴髮塵土舊貂裘為覓桃源路拏舟到海頭

二

今年重九日兵破闔閭城紅粉娃宮毀黃金郿塢傾老
懷多感慨歸思轉縱橫賴有茱萸酒開軒看晚晴

旭齋劉先生四明隱君子也客吳數年日以詩
酒自娛時與予相友善丁未秋年七十有六自
謂不久於世為志墓之文及賦詩自挽其詩曰

知非終戒酒送我但吟詩且邀予以辭挽之予
既為贊小像後五日乃攜酒詣崑勸飲故有是

作

天生劉伶愛杯酌杯餘更以詩為樂有時痛飲發豪興
徹夜長吟追古作胸吞雲夢氣崢嶸筆吐珠璣光錯落
知心每恐化渴鳥見病驚卧作癰鶴為嫌八達太疎狂
乃效獨醒甘寂寞高陽人笑老癡漢杜舉身遭束高閣
我來黃菊似含喜座對青山論鑄錯舉觴一笑口復開

蓋棺百年心不忤金龜足可換新竊玉兔無勞搗靈藥
偃月堂前丞相死齊雲樓下降王縛眼前世事真蟻夢
身後虛名等螢爝何如閒策鐵拄杖時復醉傾金鑿落
吾詩更作薤露歌活挽先生薦清酌

張伯庸在郡城被圍數月間道而歸賦詩賀之
雁書到手人方喜虎口脫身君已還難似上天行蜀道
險於中夜出秦關柳營鼓角邊聲遠菜子衣裳喜色斑
百斛葡萄新釀熟歌童莫放酒盃閑

方池詩為馬公振作

攜我方竹杖看君方池水
宛然俯中庭照影月明裏
清風生蘋末素練吹不起
魚樂魚自知主人亦應爾

和許君善善郊居

秋色蒼茫日落斜
鯉魚風起荻飛花
先生晚酌依稀醉
吹笛漁童恰到家

二

書畫船頭吐白虹
談玄麈尾灑清風
繞籬種得陶潛菊

時復看花酒一中

三

堦前有草比琅玕屋上慈烏即鳳鸞老去山林友麋鹿
不知貌虎尚桓桓

四

流水柴門不厭貧古今曾見幾何人山中松菊陶元亮
谷口犁鉏鄭子真

五

恠底深秋氣候溫野花成子竹生孫數椽衡宇清溪曲
風雨蕭蕭晝掩門

六

竹有幽軒水有渠閉門不出十年餘一編修得梅花譜
又註神農本草書

七

朝野新聞總闕如經鋤甘分老迂踈客來留喫雕胡飯
旋斫溪頭出網魚

八

窮到無錐累始輕黃金何用苦留情姑蘇臺榭新如畫
又被西風一夜傾

九

不見魯山元紫芝干戈滿眼少陵詩采樵何處青山好
逢着仙人且看棋

十

一雨洗兵秋可憐東吳香稻熟紅蓮許家墩下斜陽外

無數飢烏落晚田

淮夷篇

大邦淝河西湖郡稱第一淮夷豺柘黃來作豺虎窟交
隣無善道四顧距勁敵一鶚嬰網羅同氣頓蕭瑟正朔仍
奉漢天恩滿牀笏賦粟歲倍徙郿塢金日積非無舳舻
風海運不挂席包藏狼子心反覆莫可測臺閣兩重臣
恐為梟獍食井蛙自尊大出入復警蹕愛弟寵且驕開
府門列戟提兵幾百萬勢熱手可炙甲第連青雲圖溷

亦丹碧瑤池長夜飲天魔舞傾國帷皆面諛忠鯁即
揮斥權門競豪奢婪婪務懷壁淮南舊巢穴坐視城棄
擲出師理侵疆所向皆敗績鄰兵賈餘勇一舉數州得
羣克納降去孤城獨堅壁奈何圍數重樓櫓比如櫛礮
車拂雲漢晝夜飛霹靂寵弟既虜粉左右皆股栗短兵
屢相接苗獠與戮力南濠百花洲流血水盡赤閉關甫
期月人面多菜色蔬食猶八珍骸骨爨下折衆叛已不
知豕亥猶親出前途忽投戈回騎不數匹一炬齊雲樓

妻子隨煙滅縛虎送臺城
咆哮氣方息嗟哉爾淮夷
富貴亦已極雕墻底滅亡
斯理信弗忒

十月過吳門

無數雲梯盡未收
髑髏如雪擁蘓州
偽王守死空遺臭
降將偷生恐負羞
鹿走荒臺千載後
烏啼野樹五更頭
篙師也為愁
無寐不待天明已放舟

過無錫書所見

朝發吳門東
暮宿錫山下
隔墻語嗚咽
云是流移者
生

來本村居白首事耕稼居城僅期月區區避兵馬狂奴
稱老虎啞人空四野城降人出關方幸虎遭丹里胥俄
促人負郭一網打監官驅上船寸步不少假不知遣何
之骨肉恐相舍語罷哭聲悲涕與淚交瀉同行十數人
瘦骨皆一把鐵索連係頸俛首若喑啞天高恐無聞爾
悲知者寡

歸故里

憶昔走避兵棄別鄉井去意將朝暮去行行重回顧安

知今一紀方踏去時路四郊皆蔓草白日暝如霧披榛
訪閭里隔水拜先墓傷哉脊令原黃蒿走狐兔別墅破
墻在郵亭乃新作隣兒二三輩茅茨畫扃戶相見不相
識熟視肖厥父坐久泣且言為我語親故什九死兵戈
餘亡不知處兒詞吐未終我淚已如注對食不能飡相
期歸蟻聚吾將語吾兒賣書買農具歸耕溪上田擬若
烏反哺吾其正首丘此心庶無負

戊申歲訪朋南執中二趙君皆連牀夜話極談

今古時朋南以草亭自號工詩有唐人風致不
苟作也越數日作詩眷留臨別復有魚米之遺
執中亦和詩示余意皆有餘而不盡也後十日
次韻二首其一寄題草亭兼謝所遺一以寄執
中以述交契之厚云

圖畫蘭亭迹甚陳谿山何似草亭真晉人標致清談妙
杜子詩篇下筆親客至合歡常盡醉我來留宿豈辭頻
還家飽喫魚羹飯更喜餅儲玉粒新

二

經歲離懷得具陳
酒盃深淺兩情真
老夫生賴詩書力
良友交同骨肉親
楊柳錦溪春尚淺
綺羅燈市雨何頻
別來十日牛衣卧
世事如今又一新

和施天朋即事二章章五句

吳儂頭白雙眼昏
夜逃松上煙水村
老妻剪紙招驚魂
問之不說苦徭役
但言入地恨無門

二

吳儂十年遭亂離，飛芻輓粟筋力疲。哀哀婦子皆瘡痍，
春來破屋雨連日，疑是淚從天眼垂。

戊申春浙西僧尼道流凡主寺觀者皆集金陵
蘇州萬壽寺長老愚隱師亦在焉僕嘗夢寐中
與談今昔且問及剛中毅公故賦此以寄二老
云

夢繞鍾山訪舊遊，共看江水話閩浮。隴西鸚鵡金籠閉，
海底珊瑚鐵網收。刀尺尚須成妙用，餅盂未得賦歸休。

別時問我雙蛾老為道身如不繫舟

寄姪僧德無言

時在金壇西謝村菴居

紅梅閣下夜連牀一別經年十二霜爾父爾兄俱即世
吾孫吾子未還鄉西林卓錫青山好東海垂綸白髮長
何日與言生死事更論松菊故園荒

二

嗟我成童即棄家住菴鈍斧老金沙篋藏林下繙經葉
餅養山中供佛花浮世本來同一宿歸途必合駕三車

白頭癡叔遙相憶燈下修書字半斜

馬公振以久雨懷思作詩見寄適千墩諸友朋
為謀道旁之舍因和及之并發巨浸之歎云

芳草萋萋春復春桃花應笑未歸人數椽矮屋清溪曲
一箇扁舟綠柳津且與往來乘款段從教圖畫上麒麟
老妻頗勝劉伶婦不惜春衣典酒頻

二

吟罷秋風破屋歌不堪春雨復牽蘿無人為補青天漏

滿眼愁看白水多階下縹橋兒渡蟻門前換字客籠鷺
可憐豪氣三千丈方覓堯夫十二窩

公振和許溪西韻并簡老夫次韻荅之

世亂已如此年飢更奈何城池百戰後風雨一春多有
酒客同飲耽詩病亦哦老懷聊自適頭髮未全皤

和同明府留題趙靈寺

大澤水環金刹地小樓簾捲玉山煙桃花雨濯江邊錦
榆莢風飛地上錢人世屢驚天柱折佛光還自月輪圓

衲僧會得頻伽語也學詩人拜杜鵑

田家謠

花朝一雨連寒食水沒吳田深三尺田家壁立杼軸空
逃亡半作溝中瘠農官令下星火飛勸農踏車農苦飢
產蛙之竈斷煙續藜苳煮來青藜肥商羊舞如獨脚鬼
天瓢倒傾恐未已水車恨不化渴龍一口汲盡西疇水
我謂爾農毋怨天堯田水溢亦九年但有人能拯飢渴
即令四海無顛連請君試聽踏車歌夔夔聲中含疾苦

天門九重路脩阻此聲何由徹明主

趙真白挽歌辭

前代衣冠族先生山澤癯淳風振薄俗高誼揭中吳
舊責焚餘券凶年賑餓夫紅塵無足跡白雪滿髭鬚
鐵硯磨來磷羸金視若無蹇余牛馬走愛爾鳳凰雛
卜宅來依倚通家學步趨玉枝纔有汗瑤草遽成枯
敬下墳前馬仍瞻屋上烏典型無復見老淚落鮫珠

寄謝朋南執中中行諸友兼簡楚綱滄海二禪

伯

錦溪水流無住時我思故人心如之扁舟來繫溪上柳
六月初三新雨後常年大暑今欲流今年天氣涼于秋
故人相見不相舍水竹軒亭榻俱下東家談笑復西家
西家碧簫瀉流霞醉抽吟卷看珠玉夜牕剪盡如椽燭
明朝竟日復留連月在柳梢方解船瀕溪更有好僧舍
古木陰森正宜夏龐眉兩僧亦可人茶鐺長煮小園春
但欲移牀就泉石共聽松花坐終夕

簡熊元修

憐君苦有軟脚疾我愧貧無挑藥錢
此日尺書重問訊何時杖策與周旋
湖鄉地濕黃梅雨舍館牕含綠艾煙
猶喜東家人事好銀餅長送酒如泉

奉贈吳逸菴

先生頭髮烏如漆上壽明年八十三
豈有神仙傳秘訣尚看孫子著朝簪
燒香看畫湘簾捲留客題詩綠酒酣
堪笑野夫扶醉別出門更與阿戎談

寄張伯祥兼簡顧玉山

尺書曾去墮沉浮嗟我懷人意未休
兩地共看千里月西風又換一年秋
牧羝餐雪猶歸國買犢耕耘且素侯
暇日煩尋顧文學為言相送媿鄒游

石箭頭歌

并序

丙午冬吳人自望亭驛鑿渠通漕湖深丈餘乃得
石箭頭長洲徐伯印氏以所得之一見遺一以遺
兒元鎮請各賦詩

南山爛盡蒼雲根，飄風勢欲傾崑崙。
何物老弩作遺鏃，神鏡鬼削秋無痕。
沈沙不隨戈戟折，太陰玄精壯冰結。
五丁假手出重泉，猶帶堯時九烏血。
犢羊肝胆破尼子，走折足獨有老於菟。
坐嘯風滿谷，猿臂將軍骨已枯。
蒼頭廬兒金僕姑，時乎時乎奈爾弩。

次韵集講主見懷

君今風北我枝南，燈火餘輝借佛龕。
老去著書酬素志，客來揮麈接清談。
遠公沽酒能相引，中散鳴琴豈不堪。

且喜早秋頻得雨襟懷無復鬱如恢

偕大雲大成二講主及學上人宿聖像寺詢無

言山房作

西晉招提屋半摧江流依舊碧縈迴黃楊偶厄今年閏
青海曾浮古佛來明月一庭僧下榻清風四座客銜盃
石闌點筆題詩去池上藕花秋正開

次韵荅許君善

滄洲濯我足白首事經畬幸作依劉客難忘薦禰書病

聽驚螳鬪守拙類鳩居長日思君子新詩忽起予

早秋寄悅堂長老

雙徑人來候起居山靈想亦問何如煩師為覓龍潭水
洗眼將看後世書

二

秋陽皜皜火雲騰未有天風洗鬱蒸珍重毗耶方丈室
一壺寒露置清冰

三

我愛青山冷淡交，吳淞江上寄龜巢。
秋來剪得芭蕉葉，欲借楞伽手自抄。

閏七月七日許徵士以詩見招適余有毗陵之
行不及赴次韻答之

西風木落大江秋，明月江行倚柁樓。
一路看山三百里，桂花時節到奔牛。

過無錫梅村口占贈喻子英

梁鴻山下碧溪灣，落日蒼茫客度關。
秋色已催紅日老

人生何似白鷗閑危橋跨水苔痕滑折戟沉沙血點斑
竒士相逢忽相別相知只在片言間

中秋和易九成韻

中秋無客夜相過落葉衡門感慨多明月幾迴懸似鏡
浮生百歲去如梭誰家桂子香如許我屋茆扉冷奈何
猶勝去年連日雨吳兒苦織覆城梭

二

海門潮上水西流白兔蟾蜍出海頭洶洶有聲驚雨至

囂囂衆口說天愁楚氛已覺三邊盡湯網終當四面收
自昔金陵多王氣如今重作帝皇州

三

玉人携手步凌波憶昔南樓載酒過樓上管絃長夜沸
座中賓客少年多按歌自擊鐵如意呼酒滿傾玉卷荷
堪笑餘情忘未盡中庭舞月影婆娑

為許君善題竹石圖

竹君骨清癯石丈貌竒古誰其為寫真吳中馬振父吾

生兩眼多閱人此君見之情甚親尋常兩膝不易屈此
大拜之心莫逆可憐君家萬竹遭斧斤石亦去作飛將
軍齋居此日空對畫目前所喜無風塵凜然清氣秋滿
屋六月不知炎暑酷我來賦詩重品題此石嵌空如此
竹勿為葛陂龍勿為金華羊徵君與爾作三友老夫亦
得與時同徜徉

聽秋軒詩為開元寺方厓長老作

一龕禪寂照蘭膏四壁涼生襲楮袍落木有聲頻到耳

學人無語自吹毛鶴鳴夜半露初下鴈拂月邊風正高
恠底塔鈴饒舌甚亦如九辯繼離騷

韓仲禮宦家子也工寫大字終日矻矻予甚閔
之賦此為別

君不見韋仲將能摘大字一丈強懸空高寫雲殿榜鬚
髮頓令成雪霜君今捉筆長于帚作字繼韋千載後非
顏非柳筋骨殊大如車輪小如斗知君欲與韋為儔韋
所苦者君知不青雲有路去亦好只恐君年未老先白

頭願言投筆勿浪出菽水高堂永朝夕樂莫樂兮親俱
存畫餅功名總何益

九月四日過許君善家觀睦義溪長老與朱公
路縣丞等唱和中秋吟君善索和一首

老禪吐詞金石聲中秋浩歌蟾兔驚哦松人歸與唱和
筆力可扶天柱傾惜哉未草金鑿詔但說三盃通大道
舉盃此夕問姮娥百歲幾回開口笑天風泠泠洗炎熱
炎熱洗空風未歇西齋一樹紅木樨且喜看花眼如月

喜薦巖希長老自金陵還山作此賀之

京洛多塵土天風為振衣
山中流水在林下白雲歸不
說前三語惟尋第一機
古藤獅子室燕坐寶花飛

楚南藏主來詢知元明師居義興山中附詩問
訊

十年不喫陽羨茶山中舊宅還幾家
道人今歸卧煙霞
石池手種青蓮花青山且喜依然好
蛟兮虎兮跡俱掃
客有放棹東海頭安書好寄龜巢老

感物寄珪玉田書記

矯矯千里駒英英五花文
鹽車太行路汗血亦滿身
嗟爾本龍骨誤隨凡馬羣
何當一變化翩翩箭青雲

二

樞宮降精英為象純玉色
誰令畊舜田乃負烏捷軌
豈無金羈絡錦襜為爾飾
鼻吸酥酪河歸來梵王宅

和靈巖虎邱感事

娃宮無復有樓臺佛刹而今亦
草萊衲子盡隨飛錫去

將軍曾此駐兵來青山銜日猶前度滄海揚塵復幾迴
霜落吳天香徑冷斷猿啼月不勝哀

二

兵餘重到古禪關無限傷心四望間林下點頭皆礮石
門前戰骨似丘山劍池屢變珠光赤盤石猶沾血點斑
白髮破衣者舊在獨憐寧老不生還

遣興和許君善韵

馬圖莫恠出猶遲世事方如理亂絲蓮葉有巢龜已老

竹花無實鳳仍飢籬邊艇子供垂釣林下樵童許奕棋
首宿一盤三丈日老妻晨起案齊眉

次韵荅因了菴

重經喪亂勞相憶多謝將詩問起居鄰有國朝新定律
家無屋壁舊藏書月明江上魚龍伏歲宴山林草木疎
堪笑出門多滯礙兀如禪衲坐僧廬

普講主哀詩

前代王孫錦繡腸中藏萬卷佛書香一鞭竟著三車去

不作修文地下郎

二

自喜年來兩耳聾不聞今古鬪羣雄
每逢林下三生石只說尋常萬事空

三

長把吟豪貌水仙梅兄礬弟亦牽聯
如今收拾歸何許兜率宮中別有天

四

瓊林自有鳳凰枝
枳棘叢邊翅偶垂
鷓赫不知緣底事
赤霄飛去竟難追

五

茶毘煙斷蛟龍浦
舍利珠藏窳堵坡
從此不沾陶令酒
藕花零落柰秋何

六

天台一曲繼天泉
獨抱遺琴十二年
古調不隨陵谷變
麟膠誰續斷頭絃

寄孫彥民

讀君吳儂詞如讀春陵篇惜哉未作郡手拍元子肩玄
髮亦已華鐵硯亦已穿秋蘭抱幽馨竒寶橫道邊請以
白雲曲載理朱絲絃勿論聽者希我心自怡然

題水仙山礬梅花圖

綽約誰家女子依稀水府仙人莫恠無言脉脉正須頻
喚真真

二

紅杏碧桃春暖梅兄礬弟冰清會得生花筆意隱然金
石詩聲

乙酉元日漫興

四國山河喜奠安一年時序又更端
醑酥春酒到手暖楊柳曉風吹面寒
太史始行新律歷齊民俱易古衣冠
故鄉只在停雲外奈可親朋欲會難

簡曹仲鉉

東海歸來塵自揚一竿西日釣滄浪
州人尚說家園在

沙鳥皆知世慮忘竹筍滿林冬入饌梅花繞屋夜生香
吾兒學稼書仍讀應喜分燈過短墻

送僧還日本

吾聞帶方東南有國環滄溟龜峯雲接扶桑青飛梅花
開作絳雪佳實亦比蟠桃頰珊瑚出水光奪目老蚌吐
珠皆夜明山藏水產足珍恠惟人尤得鍾其英釋門龍
象獻寶出眉目秀異風骨清錫飛一萬四千里欲以佛
法中華鳴手探天目獅子窟速肖厥祖天人驚三吳百

粵小盤礴王公下榻爭趨迎大哉禪月古叢社正法眼
藏轟雷霆思親要織睦州屨春風穩送歸帆輕老天扶
僊走相餞事有干請煩留情往時爾國遠秦火六籍不
隨煙燼零願言傳寫遺全璧一洗魚魯開羣盲上人名
亦垂不朽能使舳舻為馬馱吾經

張伯祥自濠州惠詩且相傳有還家之喜即事

口占聊抒情愫

春風濠上來家奴寄詩親朋及老夫微詞周折出肺腑

蟻絲九曲穿遺珠神龜脫網曾有夢靈鵲報喜寧虛孤
大鈞播物各生遂忍使鳳凰長在笈羣兒覓竹跨為馬
吳淞江上迎歸艫南堂花竹春正好玉芝粲若珊瑚珠
老夫亦作輦脚局典衣沽酒黃公壚

賀陳思忠自濠州歸

南山石爛海揚塵播物依然出大鈞坡老暫為僂耳客
謫仙豈作夜郎人歸舟帆卷桃花雨家宴盃傾竹葉春
雪髮巢翁矍似鶴也隨鷗鷺去相親

得玉山顧徵君書作此代簡

濠上人來書數行開緘如對語琅琅酒盃已辨弓蛇誤
藥杵無勞玉兔將少待天公舒老眼剩收雲母束歸裝
舊家亭館花狼籍春水依然滿綠塘

老病

乾坤如許大老病此江濱無酒可留客青山應笑人幅
巾方竹杖青草落花茵賣得長門賦相如未是真

水村歌為趙朋南賦

我愛水村好為作水村歌君家水村二百載閭里向來
冠蓋多銅駝巷陌自荆棘滄海依然皆煙波墻花巷柳
接葭菼蘆荻蘋蓼芙蓉荷澱湖噴薄東岸曲陳湖繚繞
西邱阿前看震澤後笠澤青山數點堆青螺錦溪橋頭
魚米市亦有朝鼓鳴如鼉市聲豈不傾人耳先生閉戶
雀可羅茶竈筆牀魚童釣叢人稱陸魯望自比張志和
兩賢尚友作三隱過也亦宜呼小坡長安道上人擾擾
奈爾水村安樂窩

二

我愛水村好作歌，仍和水村之樂能自得。山村之號
真相宜，齋居隱居，白日靜門外繫船，青柳垂讀書牕，雞
亦解語，忘機沙鳥，皆知葑田種秫，足為酒草，亭對竹
長哦，詩平生自是愛結客，况復客多來，問竒清談，閑揮
玉麈，拂高會醉傾，金屈卮，飲牛有渚，蓄魚有池，老夫願
卜隣，矯屋與隔離，分燈訪績兒女，共曳杖往來鄰舍，嬉
從此水村作土著，與君說詩時解頤。

次韵荅許君善

小徑紆迴草欲迷
村居如在灤東西
為煎新茗頻敲火
自掃殘花恐汚泥
白首十年吳下客
傷心千古越來溪
羣賢何日能相顧
重為湖山一品題

己酉夏四月東維子來訪以其過崑山詩見示
且邀余及盧公武殷孝章和之

酒濕宮袍逸興多
鐵龍吟嘯舞蛟鼉
一江星月光搖動
八極風雲氣盪摩
詩史屢書新甲子
草廬還是舊煙蘿

繫船秦柱山前柳邀我吳趨和郢歌

次韵荅焦任道

誰越誰秦自瘠肥別來十載電光飛尚看書帖題青李
未掌絲綸對紫微老我襟懷寒古井憐君氣宇盎春暉
石川古柳清陰好且繫書船莫賦歸

次任道韵贈朱公路贊府

清濁無論渭與涇請看流水悟浮生莫憂白石南山爛
且喜黃梅細雨晴石几題詩焚艾納水亭酣酒卧桃笙

瓜田不理春來草怕有人呼作邵平

謝焦任道惠畫

焦君青雲器不減阮仲容飲酒五六斗卓然猶祖風髯
龍吐醉墨逸氣超鴻濛騷雅靡不作無聲詩更工淋漓
練褰幅遺我龜巢翁翁老如兒癡嗜詩羊棗同層崖飛
瀑泉撫玩意不窮何以報夫君秋江采芙蓉

露筋廟詩

斷臂孤兒事可悲露筋娘子死尤奇裙裾不受紅塵污

膏血都充白鳥飢野燐照人魂斷處田家妻嫂睡濃時
玉遺香骨天應惜鐵比真心世共知宿草埋煙迷古塚
幽花泣雨倚叢祠碑存米老春秋筆詩有歐公絕妙詞
尚待姓名傳國史更看旌表照門楣古今絕少青雲士
却忍將身作夏姬

祭顧玉山詩

於乎玉山翁世居吳右族生逢元盛時當路屢推轂辭
榮樂蕭散竟蘊璞中玉早持萬金產轉手授家督不為

五岳遊家園蒔花竹讀書數千卷旁覈聃與竺非無酒
如澠過客佳乃肅徒見駟馬車未若一儒服緇黃璨然
者待遇亦刮日常言性嗜詩趣味勝梁肉興來抉雲漢
毫端注飛瀑詞林采英華琰刻播芬馥承平十三年嘯
傲心自足世故一變更十室九顛覆幽棲綽山下擬比
王官谷時余逃難來憔悴如病鵠相見恨殊晚姓名聞
已熟夜飲佳樹軒明朝杯又續高堂桂花秋金釵剪銀
燭雙歌棹觥船洗我愁萬斛一留兩月餘坐客常五六

寫圖紀觴詠墜水亦有曲連牀可詩齋清話屢同宿擇
鄰移我家歲晚安且煥奈何輦鼓聲忽若雷振屋婁人
恚驚散我亦猿失木萍漂甫里東賣文如賣卜感翁數
相過餽問慰窮處翁亦客攜李遠避蝮蛇毒山川鬱相
望詩筒時往復陵谷復一變翁歸理松菊松菊理未能
蒺藜俄困辱余舟傍笠澤訪舊宿西塾夜深屏輿隸促
膝語心腹春風舊池館荒煙秋草綠朝廷更化初名役
事重穆挈家赴臨濠星言去程速送行愧鄒游口占謝

龜縮詩去秋復春客來書滿幅念我及兒輩舉室蒙記
錄自言多疾戾經年在牀褥鬱攸屢驚嚇使我長齷齪
尚須手顫定親禮寄篇牘安知屋踰月遽爾聞不祿初
疑傳者訛細聞淚盈掬嗟我老異鄉知己失鮑叔蕪辭
叙疇曩悲吟甚于哭神交死如生歆此盃中醪

荅馬公振見寄

燭龍銜日火雲迷飛到中天不肯西安得天瓢瀉涼雨
仍看地裂補春泥兵戈不到王官谷煙樹相望罨畫溪

莫笑老夫多古意露筋祠廟要君題

二

經鉏初不效常林安我貧居未死心江上小山堪入畫
門前新柳未成陰斷編重緝忘年老險語孤吟到夜深
毒熱甚于中宿酒我頭連日為岑岑

三

賴有酒船堪拍浮何憂蓬鬢不禁秋卜隣老圃今瓜及
借榻僧窻喜竹幽老大正當秋近熱微風可奈晚來休

能騎款段來相顧，惟爾同鄉馬少游。

次韵寄野舟長老

舊雨別來陵谷變，新秋又見火流西。
黃楊樹厄重經閏，白藕花開不染泥。
千古長洲連茂苑，一湖香水似曹溪。
支郎愛馬情還在，念我鹽車月老題。

橘隱軒為仲謙作

愛爾林居物色幽，茅齋橘樹對滄洲。
添修太史木奴傳，合比列仙松子遊。
冰雪杯香蘇井水，霜風簾捲洞庭秋。

小山叢桂遙相似只恐招賢總未休

和紀叔維中秋

清夜尋常秉燭遊
况逢明月桂花秋
君吟梨谷揮椽筆
我泊楓橋倚柁樓
白雪似添雙鬢老
青天不著片雲浮
老夫酣適遙相似
座有潘郎便善謳

題王叔正江村讀書圖

紅葉江上村青燈
案頭書長年門不出
吾道竟何如

叔正過訪傳恢書記寄聲作詩寄之

余澤歸來王子猷問君知與對滄洲一灣流水市塵遠
兩岸人家煙樹幽客至白雲分半榻興來明月載孤舟
如何不到淞江上卧看蘆花雪色秋

和馬公振江上早行

聞君拂曉渡婁江解得江妃玉佩雙旭日曈曨初挂樹
浮雲變化忽成龍路旁客踏前車覆天上人遭恐杖撞
俯仰古今成一笑春風賴有酒能降

和衛澄遠雪詩

洋海冰寒若凌陰坐看飛雪積來深出門總是瓊瑤地
繞屋皆成蒼蒿林為說擒吳今李愬因評怨華古羊斟
兔園詞客飄零盡然我霜髭為一吟

和楚蘭江禪老應制賦擁翠亭之作

翻經屋上煙霞客擁翠亭前雨露多道載三車還報國
詩成七步口懸河衲衣風拂天香染錫杖雲隨御輦過
聖主得賢方藹藹羣臣寧不賦卷阿

寄顏長老

江西馬祖不世出城南悅翁雙徑歸芭蕉雨作堂下樂
薜荔天生墻上衣繙經猶能作細字秉拂孰與談玄機
別來半載幾相憶江岸小桃花又飛

和陳思忠過王德修草堂

曲塘楊柳似蘇隄編戶畬畝比鄭陂春日鶯花圖畫裏
秋風鷄黍故人期開樽許共傾蕉葉出妓應教舞柘枝
老我杖藜慵出入草堂遙望為題詩

次王修德韻

茅堂有酒時一中少陵郊居今讓東絕憐春水漲新綠
不著市塵飛軟紅百年禮樂重制作四海衣冠今會同
幽棲正要人不識莫厭門徑生蒿蓬

和吳斯民感懷

詩到龜巢兩日前柳花飛雪正紛然岷山有感知羊祜
禹穴曾探繼馬遷老我短檠墻角棄憐君古硯案頭穿
欲將磊塊都澆去何日移封共酒泉

劍井

全家劍井邊不飲井中水要令生瑞氣藹藹見多士古
甃暗莓苔羸餅委泥滓黃河今復清豈獨長已矣

獨孤公檜

珍重前賢手自我無情斤斧忍相推專車載去蒼龍骨
竟作誰家爨下灰

惠山泉

此山一別二十年此水流出山中船人言近日絕可喜
不見流船但流水老夫來訪舊煙霞僧鐺試瀹趙州茶

惜哉泉味美如故不比世味如蒸沙

陽羨茶

南山茶樹化劫灰白蛇無復銜子來頻年雨露養遺枿
先春粟粒珠含胎待看茶焙春煙起弱籠封春貢天子
誰能遺我小團月煙火肺肝令一洗

歲朝示二三子

我生老筆耕齷齪不自羞教兒復為之能識此意不為
農或逋租服賈必遠遊非才苟祿仕往往遭愆尤先師

有明訓富貴不可求兒能負米歸老父百不憂日高三
丈餘睡起梳白頭藜牀草氍毹布冠木棉裘比屋吏叫
囂吾廬自幽幽食粥了餘年死即埋高邱今晨捧椒觴
復喜歲一週一唱三子和聊作擊壤謳

寄徑山顏悅堂長老

每懷城南隱者家崑山石火徑山茶年年春晚重門閉
怕踏堦前落地花

二

兩耳垂肩雪滿顛
維摩一室小林泉
白雲牕下黃楊樹
且喜重經厄閏年

懷許君善

別後逢人問薜蘿
打門時有更催科
消磨舊日耽詩癖
春興吟成恐不多

二

桑扈催蠶桑葉肥
麥田雉雉麥花飛
春餘閏月無多日
鄰舍逃亡歸未歸

三

昨夜龜巢酒半醺
春風吹夢去尋君
落花芳草千墩路
攜手斜陽不忍分

寄趙朋南

狂風橫雨去年時
大廈難將一木支
最喜草亭修竹淨
催租人去復哦詩

二

石首魚來金色新
桃花酒熟甕頭春
急須秉燭遊長夜

莫遣山公冷笑人

寄趙執中

案頭花落硯池香
庭下草生書帶長
黃卷青燈風雨夜
更和熊膽付兒郎

二

一見相知二十春
交情無媿古雷陳
如今渴上龜巢遠
不惜書來鴈足頻

寄吳中衡

老我誰知已端人最憶君常談無鬼論不作送窮文
樂杵三更月萊衣五色雲桑榆春自暖蘭蕙發幽芬

芙蓉城仙人歌寄贈孫大雅

仙人家住芙蓉城芙蓉為冠結蘭纓飛車去作蓬萊客
玳瑁筵開麟脯擘八溟揚塵一轉蓬扶壓倒到東王公
仙人手策青玉龍翩翩歸袂飄天風華亭之西玉山東
羣仙挽留鸞鶴從雲墻霞壁五畝宮金華翠葉九粒松
雙眸點漆顏如童瀛洲再看蟠桃紅蔡經家藏老姑酒

能為仙人集仙友
琴高醉歌經拍手
要我龜巢老人來
和否

寄黃宗禮

星槎池館東牀客
冰玉襟懷我所知
百榼葡萄春灑灑
一欄芍藥畫遲遲
門前送却催租吏
枕上還吟夢草詩
只恐繡帷人起早
又催京兆畫蛾眉

秋晚過太平塔下
四顧瓦礫場有懷
徽太古禪
老作詩招之

一昨陵谷變劫灰飛九州太平古招提寶地成荒丘浮
圖巋然在氣勢凌高秋風鈴作梵音終日語不休以言
老萬回合為故山留竿木本隨身把茅堪蓋頭畫沙且
成佛况乃願力優高壇降甘露大車駕白牛老我煙霞
交風流繼前修

冬至和陳縣丞韵

玄機妙斡無古今一陽來復消羣陰聖人灼見天地心
贊易乃鳴金玉音蘭也朝來新盥沐三復韋編謝亭毒

卿雲燦爛迷九天旭日曛曛出暘谷丞哉丞哉初下車
踐長之喜當何如絃歌化行風俗美寒谷春生自茲始

逸菴詩為吳子明賦

我愛逸菴叟有詩能養生百事不挂懷三樂殊稱情行
年八十餘白髮無一莖每聞責子歎笑我如淵明優哉
復游哉笠澤山水清

二

日高三丈餘先生睡初起雪屋燒煖香行庖膾冰鯉道

遙白氎巾傲兀烏皮几
鉤簾對青山倚杖看流水
世事了不聞無勞洗吾耳

三

客來兩忘情不復事迎送
有酒即盡歡杯當笛三弄
羲皇敢云傲周孔亦無夢
衆口從雌黃我腹自空洞
行歌山澤間斯樂誰與共

四

人生老而逸伊誰無此心
惟翁適所願林居小湖陰
或

持無餌釣或抱不絃琴山水古名畫所得趣尤深長歎
康樂公木屐費登臨

送李彥明歸高郵

老夫歸從東海頭春風送客歸秦郵出門復睹鴈北鄉
物我喜得同悠悠吳船鼓櫂渡江去烏輪正挂扶桑樹
桃花倚岸笑相看杜宇催人啼不住征袍十年塵土多
濯纓今作滄浪歌一百五日寒食雨三十六湖春水波
文游臺榭剪荆棘繼美前賢集嘉客誰能喚起老龍眠

重寫耳孫湖上宅

寄題無錫錢仲毅煮茗軒

聚蛟金谷任葷羶煮茗留人也自賢三百小團陽羨月
尋常新汲惠山泉星飛白石僮敲火煙出青林鶴上天
莫恠坐無齊趙客玉川茅屋小如船

王松溪知事別兩紀陵谷既變復會常州年皆
七十餘喜各無恙又喜松溪別而復得觴以賀
之詩紀歲月

年來兩度塵生海二老相逢雪滿顛杖屨荒城寒食後
琴尊別業舊堂前桃花含笑似欲語燕子飛來絕可憐
此日為君歌此曲雨蘇春旱午陰天

後數日松溪見和二詩予復次韻送歸華亭

放舟東郭語長年喜見春風不放顛三月鶯花詩卷裏
五湖舟水杞樓前青山司馬如今老白木長鏡祇自憐
歸到鳳山門不出北牕真是小壺天

雨宿縣學齋舍作

客來帷林候漁父黌舍坐聽三日雨諸生讀書喧兩廡
商羊飛來立當寧雨聲書聲雜蛙鼓蚓歌亦自諧宮羽
青苔上階茵生柱敗壁淋漓籀文古齋僮不敢開牖戶
風撼庭柯嘯飢虎南山老石爛成土天漏誰能鍊金補
去年旱魃走吳楚田家往往悲塵釜麥秋一飽方自許
莫教化作飛蛾舞

宜山謠并序

廣東南丹諸州民獠雜居素稱難治洪武初朝命

設官置司安撫之山東尹明善實在僚選凡所司
事知無不為為無不達蒞官再期多善政後四年
有客自廣西來者傳其事甚詳余乃摘其大者作
宜山謠七篇

苗獠地連交趾咸藉為民且為除凶號人悅之
作椎結舞

椎結舞擊銅鼓淺蠻生蠻皆按堵賣刀買鉏犁銜恩人
鳥語獷俗馴惡名去豈弟君子吾父母

沿邊舊置七十五以猺為長每羣聚為諸州害
今罷之民乃安作除虎窟

除虎窟虎皆散亡老睡月湖南海北廣東西千里如今
無白骨無白骨人何憂每每舊屯田年年稻花秋我所
思兮龍江水流

兵後薦飢發官廩活宜山數萬口民德之作枯
桑

枯桑枯桑徒為我新煮石弗糜曷以食人廩發于官我

命乃續誰其主之伊人如玉伊人如玉孚及豚魚詒我
婦子償粟勿渝厥粟固償厥德彌忘懷我伊人于羹于
墻

覃國大常仲海等世為土豪與溪徭洞蠻相表
裏反側不一公以計禽殺之民大快作霹靂
斧

霹靂斧行天誅百靈奔走羣醜除磔梟獍醢猱招徠
角端舞騶虞日月兩山明畏境成康衢

宜山莫天護虎踞一方公言諸方伯徙和州民
樂之作坎井蛙

坎井蛙今渤澥偷生蝦蜆門怒腹氣何在長魚跋浪欲
吞舟竟作任公雪花鱸蛙乎幸偷生有媿輸芒蟹前度
放蛙人今日恩如海

蠻獠負固歲久不供而良農病於重斂今均之
視前賦減什五六恩不能忘作生子以尹名

生子以尹名有田須力畊昔憂公租重今憂公租輕窮

閻杼軸具當路鈞衡平焦冥覆盆下覩此白日明

革命之初公以安邊事宜屢白相府民懷之作
鞍馬勞

鞍馬勞肉消脾廣西一去二千里借箸籌邊丞相喜兩
年單騎八往迴青草黃茅瘴煙裏鞍馬勞有如彼不負
公不掠美一寸忠丹報天子

送丞漢德員外徙居臨濠

憶昔吳鉤斂霜鏑歐冶已知蛟可斲窮探虎穴走山靈

湧出蜃樓招海若三台分照紫薇垣一蜚徑入紅蓮幕
安知滄海忽生塵乃見巨魚今縱壑携家春雨赤城還
揚舲秋水濠梁約老夫白髮三千丈別來幸有琴書樂
羨子青雲二十年此去亦無冠冕縛故鄉相見恍如夢
往事重論成大噓呼兒解我鷗鷺裘離亭飲客鷓鴣杓
南薰穩送渡江水西笑遙憐好城郭莊生臺上看游鯈
彭祖山中拾靈藥平居襟懷本瀟灑在處林泉可盤礴
有時回首望江南題詩如寄雲間鶴

次韵贈董明府兼贈陳縣丞尹主簿

綠莎聽事灑清風四野遺黎集澤鴻
佳政總堪傳國史
丹心曾不愧天公
橫琴坐對中秋月
援筆詞傾百步闌
僚佐粹然連白壁
有時來我灑溪東

寄錢夢弼并為乃翁宣慰公壽

閒對青山晝掩扉
家居身著老萊衣
懶于日下看花去
羸得街頭負米歸
一笑舣船香雪美
百年城郭昔人非
高堂秋爽而翁樂
稻熟湖田蠡正肥

送虞長史歸閩中

卓犖青雲器，淒涼白雨秋。
棄官辭傳舍，舁疾上歸舟。
岸有吟蛩送，檣無語燕留。
七閩天杳杳，兩淞水悠悠。
親舍孤雲影，山城大海頭。
倚門勞遠望，脫屣得長休。
金榜聲名在，斑衣願未酬。
猗蘭重製曲，護草足忘憂。
丹穴生鸞鳳，龍光射斗牛。
此心能自足，餘物更何求。
老我三家墅，憐君百尺樓。
相知稱鮑叔，遠送媿鄒游。
海上多靈藥，山中擬素侯。
家園紅荔子，能寄故人否。

野人居短歌三章為吳中衡賦

野人居住何許屋頭東近扶桑樹三江五湖在庭戶身
著老萊衣手擘龍根脯賦歸來兮謝簪組

二

野人居誰與論芸夫蕘子皆同塵朋來遠訪多縉紳焚
香據高梧持盃岸綸巾瞻魚鳥兮情相親

三


野人居書滿屋神農本草僅一束用之可比連城玉香

林春樹綠樂吾親
杏菊潭秋水兮忘啜菽

過馬公振南江草堂

南江草堂人白眉
耽書成癖復耽詩
千金買書讀未了
化作劫灰飛海涯
國風雅頌三百首
愛入骨髓淪膚肌
兩京三國六朝下
驅駕直與唐人馳
老夫一別再寒暑
重覽碧海珊瑚枝
溪西隱者亦好事
白首苦吟忘渴飢
逢人往往誦佳句
況此酒邊逢項斯
歡然共醉成夜宿
石銚煮茶焚玉蕤
詩家風月談未了
老蟾已墜西山隄

盍簪此夕復何夕一庭寒菊花離披



龜巢稿卷四